



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 29. Papæ querimoniæ de pugnis equestribus extra bellum.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

cum quoque scribere iussit, qui solum ad patris sui epistolam se retulit, eique ad-
hæsit. Suam dabat mense Septembri
indictione octava an. 6788, seu an. 1279
mense Septembri, unde Græci annum
cum indictione inchoabant.

Sæcul XIII.
A.C. 1279.

§. XXIX.

*Papæ querimonie de pugnis equestri-
bus extra bellum.*

Eodem anno delatum in Franciam Ca-
rolum Salerni Principem Siciliae Re-
gis filium natu majorem, ac patruelem
suum Rex Philippus audax cum Baroni-
bus suis magno excepit honore, & quas
antea prohibuerat, pugnas equestres con-
cessit in gratiam ejus ac fratris sui Ro-
berti Comitis Claromontani, quem brevi
abhinc tempore una cum pluribus aliis
Equitem inauguraverat. Hæc certami-
na instaurata minime probans Papa
Nicolaus ad Cardinalem de S. Cæcilia
suum in Gallia Legatum ita scripsit: In-
dicasti nobis Gallorum Regem Baronum
rogatu revocasse nuper edictum ex eorum
consilio factum, ut equestres pugnae
usque ad generalem transitum in Palæ-
stinam omitterentur; & has pugnas te
præsente promulgatas fuisse ac executio-
ni datas contra sacrae Sedis inhibitionem
sub anathematis poena. Dolemus autem
E 2 magno-

Duchesne
t. 5. p. 573.

Rayn. 1279.
n. 17.

Sæcul. XIII.
A. C. 1279. magnopere hunc Regem tam pii patris
filium permittere, ut sibi subditi censu-
ras ecclesiasticas ita contempnant: nec
silentium ac negligentiam tuam excusa-
re possumus. In tanto animarum peri-
culo exardescere, minitari, pronunciare
pœnas, his majores addere debebas, nec
contentus esse, quod, ut ais, hoc in de-
cretum non consenseris.

Cont. Lat.
III. c. 20.
Sup. lib. 73.
§. 21.

Ferunt has pugnas esse exercitium
utile, ac Ordinem Nobilium per eas di-
scere ad tuendam religionem terramque
sacram tractare arma. Sed antecessores
nostri aliter judicabant, cum illas prohi-
berent nominatim in concilio Lateranen-
si, quod his in pugnis morientes sepultu-
ra ecclesiastica privat. Præterea ad Pa-
stores, ac præcipue ad Papam, non ad
subjectos pertinet videre, bonane an ma-
la sint hæc exercitia. Quapropter vo-
lumus, ut ab Ecclesiæ corpore sejunctos
palam denuncies cunctos Comites, Ba-
rones, Equites, aliosque certaminum
horum participes; ut eos adhorteris ad
flagitandam humiliter absolutionem, ac
sic postulantibus eam impertias, injun-
gens pœnitentiam & cum jurejurando
promissum eo non redeundi amplius. Ta-
lis est summa hujus epistolæ sane quam
vehementis, quam Nicolaus dabat 22
Apr. an. 1279.